

նեալ էր 'ի հերակուրան թոյն մահարեր , զոր ճաշակեալ անդիտութեամբ վտանգեցաւ ինքն եւ 40 այր ընդ նմա , եւ հասեալ յերուսաղէմ մեռաւ , եւ թաղեցին զնա 'ի տաճարին Ս . Յարութեան առաջի Գողգոթայի . իսկ այլք տունն թէ՛ մեռաւ 'ի Յոպլէ , եւ անտի բերին զմարմին նորա յերուսաղէմ . եւ յաջորդեաց զաթոռն եղբայր նորին Բօտուէն կամ Բալտովին Ս . կոման Եդեսիոյ . այսոցիկ հոմանուն իշխանքս 'ի գիրս Հայոց առհասարակ կոչին Պաղարին (1100) :

Եւ եղև 'ի տիրել Լատինաց Ս . Քաղաքին՝ տենչանք տիրապետութեան եւ գահերէցութեան Կղերաց բռնադատէր զնոսա ձեռն արկանել եւ յիրաւունս այլոց քրիստոնեայ ազգաց , կամեցեալ մի միայն ինքեանց սեփականել զրովանդակ տնօրինական Ս . Տեղիս Քրիստոսի , որք են՝ եկեղեցին Ս . Յարութեան , Գողգոթային , Տիրամօրն՝ 'ի ձորն Փեթսեմանի , Համբարձմանն՝ 'ի լեառն Զլթենեաց , Բեթղեհէմին , ուր է այրն Ծննդեան , եւ այլոց , եւ մերժեցին իսկ 'ի տեղեաց աստի զՀայս , զՅոյնս , զԱսորիս , եւ զՎրացիս . եւ կացուցին զսպասաւորս 'ի կանանց , իբրեւ ջահընկալս , աւելածուս եւ լուսարարս՝ ընդդէմ՝ եկեղեցական կանոնաց : Սակայն իբրեւ յաճախեաց քողմնելուն եւ տրտունջ 'ի ժողովուրդն , ինքեանք եւս ստրջացան 'ի վերայ գործոցն զոր արարին . 'ի բաց հանին զկանայս յեկեղեցեաց անտի եւ թոյլ ետուն ազգաց քրիստոնէից վերբստին ունել զբաժին ժառանգութեան իւրեանց 'ի Ս . Տեղիս . զայս եւ զայլ գործոց Լատինաց , բազում եւ իրաւացի գանգատանօք խօսի Ուրհայեցի Պատմագիրն , եւ յաւելու՝ թէ սակս զրկանացս այսոցիկ յայնմ ամի ոչ վառեցան կանթեղք գերեզմանին Քրիստոսի յաւուր Մեծի չաբաթու , այլ 'ի կլերակէի , եւ այն աղօթիւք եւ խնդրուածովք ամենայն ազգաց . Տէ՛ս Եբէ՛ս 337 . (1101) :

Են ոմանք որ ասեն առեալ յաւանդութենէ , թէ 'ի սոյն ժամանակի Լատինք իսպառ մերժեցին զՀայս 'ի գերեզմանէ Ս . Աստուածածնի , եւ 'ի թախանձելն Հայոց՝ թէ գոնէ 'ի չարաթեով միանգամ յաւուր չորեքշաբաթու թոյլ տալ պատարագել 'ի վերայ գերեզմանի Ս . Կուսին , յայնժամ Սպանիացի Կղերք առաջի եղեալ իցեն նոցա , թոյլ տալ